







განცხადება

ტფილისის ქალაქის გამგეობა

აცხადებს, რომ 1901 წლის 2 ოქტომბერს, მის თანადსწრებით, შუადღის 12 საათზე მოხდება საჯარო ვაჭრობა, რომელზედაც იჯარით გაიცემა ქუჩის ნაპირების მოკირწყვა: 1) არსენალის გზა-ტყევიკოლზე, 800 ოთხ-კუთხი საფენზე; 2) ლაზარევის ქუჩაზე, 300 ოთხ-კუთხი საფენზე; 3) კახეთის გზა-ტყევიკოლზე, 800 ოთხ-კუთხი საფენზე; 4) რკინის გზის ლიანდაგიდან კატეროვისა და ანტონიევის ქუჩების კუთხემდე, 315 ოთხ-კუთხი საფენზე; სულ საშუალო 5500 მანეთისა.

ვისაც სურს მონაწილეობა მიიღოს ვაჭრობაში, შეუძლიან განიხილოს დაწვრილებითი პირობანი გამგეობის ამუშავებულ განყოფილებაში ყოველ დღე კვირა-უქმების გარდა, დღის 9 საათიდან ნაშუადღევს 3 საათამდე.

მისალუპი ავსტრიაში

თბილისის საბაღოსნო ქოლბაში დანიშნულია 27 და 29 ოქტომბრისათვის.

იქმნა 249 და კომუტის პარტიისა 70. არჩევნების დროს მომხდარს არეულობაში 11 კაცი მომკვდარა. არეულობა უფრო იმ ადგილებში მოხდა, სადაც კლერიკალთა პარტიის აგიატორებმა, პატრებმა გააფანატიკოსეს ხალხი. ლიბერალთა პარტიის დამაარსებელი, კოლომან ტისსა—არჩეულ არ იქმნა გროს-ვალდენში. ეს ლიბერალთა პარტიისათვის კაი ნიშანი არ არის.

დეკემა

(„რუსეთის დეკემბა საავენტოსაგან“).

28 სექტემბერი.

პოლტავა. 27 სექტემბერს ეუბერნატორის ბელგორდის თანადსწრებით გაიხსნა სხდომა საოჯახო მრეწველობის მოღვაწეთა და საოჯახო ნაწარმოების გამოფენა. სხდომები 10 დღე გაგრძელდება.

ბაქო. მესამე დღე ცეცხლი უკიდია შიბაევის შადრევანს ბიბი-ებათის ნავთის მიწაზე. ნამდვილის ცნობებით, დამწვარია ორი „ვიშკა“, ერთი რეზერვუარი და ორი მიწური ამბარი შიბაევის ნავით, სამი „ვიშკა“ და ამბარი „კასპის და შავის ზღვის“ ამხანაგობისა და ერთი ვიშკა და ორი აუზი რუსეთის ბიბი-ებათის ნავთის საზოგადოებისა. ზარალი ასი ათას მანეთზე მეტია, შიბაევის შადრევანი რომ არ ვიანგაროშოთ.

ტიუშინი. „ციმბირის ვაჭრობის ვაჭრები“ იუწყებენ, რომ ობის ჩასართავთან ნავთის ქარხნების მუშებს უპოვიათ მიწაში დიდის მამონტის ჩონჩხი, რომელსაც 5 საფენი სიღმე აქვს და 3 სიგანე. ტყავი კარგად არის შენახული. ძვლების ერთი ნაწილი ტობოლსკში გადიტანეს და მუზეის შესწირეს. ის ადგილი, სადაც მამონტი იპოვნეს, აღნიშნულია.

პუბლიკ. გამასწორებელი სასამართლო არჩევს მონიეს საქმეს, რომელსაც თავის დისათვის თავისუფლების წართმევაში მონაწილეობის მიღების ბრალი ედება. მოწმები ახასიათებენ მონიეს, როგორც სუსტის ხასიათის კაცს, რომელიც თავის დედის გავლენის ქვეშ იმყოფებოდა. ბრალდებულის სიტყვით, იმას ეგონა, რომ იმის დას კარგად უგვიდნენ. ბრალმდებელი სასტიკს განაჩენს თხოულობს, ადვოკატი გამართლებას.

კონსტანტინოპოლი. შესდგა საგანგებო კომისია, რომელმაც უნდა გამოიძიოს ქურთების მიერ მუშების მომხდარების განადგურების საქმე. ამბობენ, კომისია მიდგომით ჰსჯის საქმის ვითარებას ქურთების სასარგებლოდ. მთავრობამ გადასწყვიტა გადაეყვანოს მუშები პრიგადა. იქ ნამდვილად არავითარი უწყსობა არ მომხდარა.

პაპუბალი. მოვიდა ცნობა, რომ გუშინ სასტიკი ბრძოლა მოხდა მეიქსფერამთან ბერგრივერის მახლობლად.

პეტროპოლისი. ხარკოვის უნივერსიტეტის ორდინარული პროფესორი კუპლევსკი იმავე უნივერ-

სიტეტის რექტორად ინიშნება. თავისივე ოხოვნით პროფესორი და რექტორი ხარკოვის უნივერსიტეტისა ლაგერმარკი დათხოვნილ იქმნა რექტორის თანამდებობიდან.

პეტროპოლისი. შტრიტტერის არყის ქარხანაზე, სპირტის დასაწმინდავებელს განყოფილებაში, 28 სექტემბერს, სადილობის დროს, გამოურკვეველი მიზეზით აფეთქება მოხდა. ზარალი 200,000 მანეთია; დაზღვეულია „რუსეთის“ საზოგადოებაში 400.000 მან.

კონსტანტინოპოლი. როგორც ამბობენ, საბერძნეთის მეფის ძე გიორგი 10 სექტემბერამდე წავა პირდაპირ ათონში, და იქილამ 3-ის კვირის შემდეგ კრიტი დაბრუნდება.

ლონდონი. სამხედრო მინისტრმა მიჰმართა პარლამენტის წევრს გოვარდ ვინსენს წერილით, რომელშიაც ამბობს: „ჩვენ სამხრეთ აფრიკაში 200,000 კაცი გვყავს და 450 ზარბაზანი გვაქვს, 100.000 კაცზე მეტი კიდევ ეხლა მზადდება ინგლისში და ამიტომ ჩვენთვის ძნელი არ არის კარგად წავიყვანოთ საქმეები. თუ კიდევ ახალს ჯარებს მოითხოვენ, ჩვენ დაუყოვნებლივ შევასრულებთ ამ მოთხოვნას. ამ ეჟმად ომის თეატრში 69 სხვა-და-სხვა რაზმი ტრიალებს და ყველა კარგად არის შეიარაღებული. მთავრობის უმოქმედობის შესახებ ხმაც არავის ამოვლება.“ — გიქს ბუჩმა განაცხადა გუშინ ოლდგემში, რომ სამხედრო წესის შემოღება კაპის ახალშენში უთუოდ იმით არის გამოწვეული, რომ კაპის მემობოხეებს კონტრაბანდით გააქვთ ბურებისათვის სურსათი და სამხედრო იარაღი.

ბამბოვი. „ტამბოვის უწყებებში“ მოქცეულია ცნობები, რომლებიც მიუღია საგუბერნიო აგრონომს 1200 კორესპონდენტისაგან. გამაშკარადა, რომ საერთოდ მოსავალი შუათანაზედ ნაკლებია, შემოდგომის მოსავალი და ბალახი ხომ 1897 წელზე უარესია. კართოფლის მოსავალი ძალიან მცირეა, ორჯელ უარესი 1897 წელზე. კორესპონდენტების აზრით, პური და საქონლისთვის საკვები გლეხების მომეტებულს ნაწილს არ ეყოფა. ბევრგან დიდს გაქირვებას მოელონ.

ხარკოვი. 28 სექტემბერს სამხედრო სასამართლომ, 13 საათის თათბირის შემდეგ, გამოაცხადა განაჩენი ციგნების საქმისა: ეფრემ სიზონენკოს, წინად დასჯილ ბრბოს წინამძღოლის კავტუნენკოს ძმას, დობრიაკს, პოლიანსკის პირველს, სკოკს, ბაზარენკოს და სამს ძმას ბელოშენკოს მიუსაჯა შეთქმულებით ძარცვა-აგზაკობისთვის სიკვდილი ჩამოხრჩობით. კორიაჩენკოს ხელის გამართვისათვის მიუსაჯა—პატიმართა გამასწორებელ რაზმში გაგზავნა სამის წლით; ფედორენკოს და პოლიანსკის მეორეს, რადგანაც მათ თავის დროზე არ აცნობეს მთავრობას აგზაკობის ჩადენა, პირველს წლინახევრით პატიმართ გამასწორებელ რაზმში, 2 მეორეს, როგორც მცირე წლოვანს, ერთის წლით ციხეში დაპატიმრება. იაკობ ღირინე კუჩერენკოვები უდანაშაულოდ იქ-

მენ ცნობილი. განაჩენის გამოცხადებას ბრალდებულნი უკმაყოფილოდ მიეგებნენ, უდანაშაულოდ ვისჯებითა, იმათმა ნათესავებმა ტირილი დაიწყეს. გამართლებული კუჩერენკოები ჩაუცივდნენ ფეხქვეშ მოსამართლეებს და თან ტიროდნენ, თან პირჯვარს იწერდნენ. ამ სურათმა საზოგადოება დიდად ააღელვა. ირინე კუჩერენკოს მახლობლად ორი იმისი პატარა შვილი იდგა. გამართლებულების სასარგებლოდ ფული მოკრიფეს. სასამართლომ თავდებობით გაანთავსუვლა ყველა დამნაშავედ ცნობილი, იმათ ვარდა, რომლებსაც სიკვდილი მიუსაჯა. სასამართლომ კერძო დადგენილება შეადგინა სიკვდილით დასასჯელთა ბედის შესამსუბუქებლად; ეს დადგენილება განაჩენთან ერთად დასამტკიცებლად წარედგინება ჯარის უფროსს.

პარიზი. ოქტომბრის შუა რიცხვებში ვენაში საბერძნეთის მეფე და იმპერატორი ფრანც-იოსები ერთმანეთს ჰნახვენ. „L'empire“-ი ამბობს, დიპლომატიურს სფერებში ამ დარბაზობას დიდ მნიშვნელობას აძლევენ, რადგანაც ბალკანეთის საქმეების გამო სახელმწიფოების ბანაკებად დაყოფაში ამას დიდი გავლენა ექნება. — მინისტრი დელკასესე გუშინ ბიუჯეტო კომისიაში იყო და მოითხოვა განახლება იმ სუბსიდიისა, რომელიც ეძლეოდა რელიგიურ დაწესებულებებს აღმოსავლეთში და შორეულს აღმოსავლეთში. კომისიამ უარი უთხრა.

პარაპასი. კვირას, ერთმა რაზმმა ვენეციულის პოლიციის წევრებისამ, რომელთაც არავითარი გარეგანი ნიშანი არა ჰქონდათ პოლიციის მოხელეობისა, განიძრახა პუეტრო-კაპელაში გერმანიის კრეისრის „ვინეტის“ ორი უნტერ-ოფიცრის დაქერა; უნტერ-ოფიცრებმა, რომლებიც არავითარს დანაშაულობას არ ჰგრძნობდნენ, იარაღი იხმარეს; იარაღი, სახელდობრ ხმლები, ისევ პოლიციელებს გამოსტაცეს ხელიდამ. ბოლოს მაინც ძლეულ იქმნენ და წაიყვანეს ქრილობების შესახვევად გერმანიის გემზე, რომელიც იქ მახლობლად იყო გაჩერებული. გზაზე უნტერ-ოფიცრებს ხელ-ახლა დაატყდა თავს ბრბო; ამ ბრბოში, სხვათა შორის, იყვნენ პოლიციის მოხელენი დასაბაჟოს დარაჯნი; რამდენჯერმე თოფი ისროლეს კიდევ. გემის „ვინეტის“ კომანდირმა საშველად 30 კაცი გამოგზავნა. ადგილობრივმა მთავრობამ საჩივარი შეიტანა გერმანიის წარმომადგენელთან საზღვრების დარღვევის გამო. საჩივარი საქმის მდგომარეობის აღწერით წარედგენილი იქმნება გერმანელების თხოვნასთან ერთად დამნაშავეთა დასჯისა და ზარალის გადახდევინების შესახებ.

ბუდაპეშტი. გამოიკვია რჩენის რეზულტატები ყველა 413-ს საარჩევნო ოლქში. არჩეულია 263 ლიბერალი, 20 „ნაროდნიკი“, 75 კომუტის ფრაქციის წევრი, 11 უგრონის ფრაქციის წევრი, 13 პარტიათა გარეშე მყოფი, 5 წარმომადგენელი ცალკე ერებისა და ერ-

თი დემოკრატი. ხელმეორეთ არ არჩევია 25.

პუბლიკ. გამასწორებელი სასამართლომ მარსელ მონიეს ერთის წლითა და სამის თვით ციხეში და პატიმრება მიუსაჯა. საზოგადოება ტაშის ცემით მიეგება ამ განაჩენს.

კონსტანტინოპოლი. რუსეთის ელჩი ზინოვიევი მიიღო სულთანმა აუღიდენციაზე.

ბოგოპოლი. პეშვერში მიიღეს ბრძანება ორი მინდრის ლაზარეთის მობილიზაციის შესახებ.

ბაქო. ვაზ. „კურსის“ სიტყვით, 1864 და 1866 წლის მომგებიან სესხის ქალაღებს 28 სექტემბერს 30—50 პროცენტით უნდა დაეწია. ამის მიზეზად პეტერბურგის ბირჟას სთვლიან.

პაპუბალი. კაპის ახალშენის გუბერნატორმა გამოსცა პროკლამაცია რომლითაც აცხადებს, რომ ოლქებში ელიოტიკა ლანტას, ტემბულიენს, მაკლირს, მოუნტას, ფელერს, მატალიელს და აღმოსავლეთს გრიკულანდში ისეთივე წესია. შემოდებულები, როგორც იმ ოლქებში, სადაც სამხედრო მმართველობის წესია შემოდებულები, იმ განსხვავებით, რომ აქ მმართველობა სამოქალაქო ადმინისტრაციის ხელში იქნება.

საათეთაქო საქონლოთ მოვაჭრე

ამიერ-კავკასიის ფარმაცევტო ამხანაგობის


დეკო

იმყოფება ტფილისში მუხრანთან ქუჩაზე, ქალაქის სამკურნალო გვერდზე. ამხანაგობა, სამკურნალო წამლებისა და საღვთაქრო მასალა-იარაღის გარდა, ჰყიდის ავადმყოფთა მოსავლელ და ოჯახში სახმარებელ ყოველ გვარ საქირო საგნებს: სარეცხისათვის, საქმელებისათვის, ქურტლისათვის და სხვ. დეკოში ბლომად მოიპოვება აგრეთვე საზღვარ-გარეთისა და რუსეთის ცნობილ ფირმების პარფიუმერია და კოსმეტიკა (საპირფარეშო სამკაული). ქალაქს გარედ მცხოვრებთ შეუძლიანთ ფოსტითაც (აიბარო) რაც დასჭირდებათ (თუნდა მცირედც იყოს) და ფასი ფოსტაშივე გადაიხადონ.

განყოფილება

სასახლის ქუჩაზე, დ. ზ. სარაჯიშვილის სახლში. ადრესი ფოსტისა: Тифлиς, т-во Фармацевтовъ — провизору Алхазову. (100—43—95)

პასივკაპულ ქართვალ საზოგადოებას



გოლოგი ანდრეას ძე ლაზარაშვილი და დიმიტრი დავითის ძე ჯემუხაძე. ადრესი: სიონის ქუჩა, მისურაძის და ხოჯაფარუხოვის ქარვასლა, № მალაზისა 53 და 53.

ტელეგრაფის ადრესი: ტფილისი, ლაზარევი და ჯემუხაძე, ტელეფონი 756. (25—161—14)